

որպէսզի հաւերը շատ ձու ածեն ու շուտ թուխսի գան. կամ ոչխարների, այծերի և կովերի գոմերում շաղ են տալիս, որ գէր լինեն և առատ կաթ տան: Մի կրակ էլ վերցնում և երդիքի ծակից գցում են ցած ասելով՝ «կատուն նիհ, մուկը գուրս»:

Ս Սարգիս: Առաջաւորաց պատը այս գաւառում ևս յայտնի է, որպէս Ս. Սարգսի պատ, որ մի առանձին նշանակութիւն ունի այստեղի գիւղացիների համար:

Այս գաղթականների կարծիքով Ս. Սարգիսը մի զօրաւոր սուրբ է, որ հալածւել և նահատակւել է քրիստոնէական հաւատքի համար. այդ պատճառով էլ եկեղեցին տօն է նշանակել և ամեն տարի տօնում է նրա յիշատակը:

Ս. Սարգսին Փէրիայում հասած աղջիկները և կտրիճներն իրենց «մուրատ»-ին հասնելու համար այդ պատի շաբաթը սովորաբար հինգ օր, Բշ. օրից սկսած մինչև Շաբաթ օրը ծոմ են պահում և ճաշակում: Իսկ գիւղացիների մէջ կայ հետեւեալ սովորութիւնը.

Չորեքշաբթի առաւօտեան ժողովրդից ընտրւած երկու մարդիկ շրջում են գիւղացիների տները և մատաղագին հաւաքում, իսկ Հինգշաբթի օրը ժողովրդից ընտրւած մի յանձնախումբ գնում է եկեղեցի տեսնելու համար, թէ հաւաքւած գումարով քանի՞ ոչխար կարելի է գնել: Նոյն օրը, ով որ Ս. Սարգսին ուխտ է խոստացել՝ ոչխար է բերում եկեղեցու բակը, ուր մօտաւորապէս հաւաքւում է 30 — 40 ոչխար: Ուրբաթ առաւօտեան քահանան գնում է եկեղեցի և օրհնում մատաղացուներին, ապա իր ափի մէջ աղ դնելով՝ լիզել է տալիս, որից յետոյ հէնց եկեղեցու բակում մօրթում են ոչխարները, մաս-մաս անում միսը և իւրաքանչիւր տուն հաւասար չափով բաժանում են. այդ մօից նոյն օրը հարիսայ են դնում: Թէ ինչից է առաջ եկել ոչխար մատաղ անելու այդ սովորութիւնը յատկապէս Ս. Սարգսի տօնին, — Փէրիացիք իրենք էլ չգիտեն: Նրանք այդպէս իրենց հայրերից տեսել են, այդպէս էլ աւանդաբար կատարում են: